




活所遺 卷

三之四

和16  
1971  
9





和  
1371  
3

活所遺藁卷第三

詩七言

尚友七絕

社燕秋鴻隔海雲我朋雖好不常親  
 世間萬事元如此不若觀書友古人  
 交到仲孫無異論五人能忘自家貧  
 近時掃地無斯類不若觀書友古人  
 假物遣懷還有真花中十友占其春  
 雖然開落一時事不若觀書友古人  
 交遊紛紛滿目塵炎趨涼背且昏  
 新無量嗔恚無時





起不若觀書友古人  
屋裏無琴為解紛樽中有酒不能吞憑誰可報香山  
老不若觀書友古人  
酈寄真成西漢臣何心賣友滅天倫高皇一去二千  
歲不若觀書友古人  
留義陳重真主賓孟郊韓愈共交神忘年膠漆今安  
在不若觀書友古人

伯元寄詩及梨見問病次韻謝之

甘梨入口齒牙寒  
暫感君心仔細看  
知是昔應真定  
產如今且喜病中餐

弔佐佐木隆正喪父

來去死生非獨今  
真情極盡淚難禁  
千林搖落深秋  
兩滴碎無聊孝子心

題石菖蒲兼和道意丈人

手種菖蒲過一冬  
老根屈曲見蟠龍  
何須門外尋山  
去盆裏崔嵬攢數峯

十二月十二日獨吟

獨向壺觴獨自斟  
夜來抱獨獨遊心  
獨歡無事好幽  
獨接物獨愁身不任

癸亥早春言懷



附炎未卜已離寒笑殺天公學世間別有東風不忘  
舊半庭宿雪與人看

和道春老人

詩家清景見來佳密霧繁雲不用埋陶妙韓才應可  
擬誠齋倒了又秋崖

道春老人見和早春詩予又和

吾生不易免飢寒何擇主君賢否間作兩作雲渾足  
駭青衿白面著心看

三疊

池凍未消天下寒神龍定在潛飛間尚存斯道蠹書

裏豪傑唯須格外看

次韻川邊氏

世上光輝借酒紅一醒髣髴仰長空來時黃草草還  
綠羈思寥寥春雨中

次韻道意丈人從洛陽見寄

軀殼尚存天地中異鄉物色故鄉同江城三月雪吹  
面認作洛陽花下風

寄正堅

獨步大明王守仁亦逢萬苦與千辛對人解道得良  
知未免鑿開無穴神



後藤氏席和道春老人

清譚今日即辰良掃盡黃埃入座忘富貴人間牡丹  
外更添國色又天香

和道春老人

春盡真成意味加長安千里望天涯武皇一去金鈴  
落野鳥來鳴却護花

大橋氏席上作

聞道牀頭置士峯深雲不恨掩真容主人有意高千  
仞况復清泉澆客胸

示道意丈人

四年游學止邦畿日日新功自發揮夜語燈前窓外  
雨杜鵑休叫不如歸

伯元壽軒久不來寄詩問之

平生一別涉居諸咫尺却同千里餘風雨來過少陵  
意斯詩每讀欲何如

奉和長嘯公見寄三首

松風自是五絃彈草露仍成白玉團真假從前無定  
在人開箇眼倚高欄

遊子紛紜長鋏彈秋來不覺菊花團清高一畧山家  
物細雨斜風吹藥欄



誰抱清琴月下彈蕭然閑愛竹光園阿房殿後幾秦  
夥橫檻纔成修直欄

夏日晝寢

紅日火雲風不驚北牕獨臥寂無聲人間幾引呂翁  
夢身後應慚宰我名

加藤兵庫臥病于京城予往訪對話數刻請詩  
因賦一絕

燈下相逢寫此情虫聲聽盡又雞聲偏思多病一時  
好千里東風鼓柁行

九月十二日初從大中大夫肥後太守忠廣公

到大坂

晚霽浮舟下淀河黃蘆十里臥蒼波江山千載常如  
此悲壯無彊將奈何

十九日泊播州室津

海黑天暝入室津久聞茲地祀靈神山形廟貌何曾  
見欸乃聲中隔曉雲

題飽田新造船

飽田肥後國郡名也乃造船之處

新造樓船千尺長飽田為號更添光風雲烟雨都隨  
意唯覺神龍橫大洋

廿四日海中眺望



日暖漁人臨釣磯定知應是為寒饑遠山近島眼中  
淨汀鷺沙鷗鏡面飛

廿九日太守獵周防國島尻山

島尻山上得其鹿英氣更并秋氣清惠意猶深賢太  
守吾曹幸辱一盃羹

十月三日過硫黃渡

海中有硫黃山故名

泛泛吾生何處終硫黃渡口水連空感懷到此知多  
少日本波高外國風

七日達肥後隈本城

負郭無田作遠遊前身季子似吾流殊方異代此非

彼富貴功名心自休

秋澗上人携酒壺果合來訪旅館宗具老人亦  
至相俱譚話幾及雞鳴二老皆長安人也翌日  
以詩呈二老

何料來為西土賓終宵對酌正相親十譚八九長安  
事渾似天涯淪落人

甲子孟春之初從太守之田獵赴河尻宿橈原  
氏宅乃題一詩以應其索

梅花落盡日猶寒別有主人和氣圍屋裏牀頭置何  
物金鞞鐵甲又銀鞍



孟夏僑居武江與二三子戲作杜鵑詩蓋述所思如此

一擊望帝一和堂何歲休官歸故鄉緬憶洛川行樂

地青青芳草滿橫岡

和堂余別號也是亦寓一時之興也

夏夜書懷

乘涼臨水愛淙淙與客携來酒一缸清夜應遊又應恨轉頭明月射西窓

去歲九月僕有紫陽之行長嘯先生賦唐詩一篇詠倭歌十首及屬倭語序以慰行李之蕭然雪手圭復且辱且吟若不得其所吁矣奴之錦

囊幼婦之黃紵豈有他耶今茲三月歸長安不數日而來武江海西之舟中關東之馬上未嘗不一日誦彼詩也雖然白雪彌高黃口尚乳和之不成延及于今者如不答尊者之意以僕觀之似怠非怠似慢非慢仰願垂亮察亦分外之賜也恭同其韻以奉寄焉倭歌非僕所能也

曾中自蘊無窮意不向人間有所言仕宦他年須脫却歌詩何日得重論千山久斷家鄉信兩地相思月夜竟今筭遊程知幾許秋寒夢過又春温

遊相田氏館舍



一道城池綠更閑  
高隄隔樹似遠山  
眺望渾作庭中物  
這裏悠然忘世間

再寄相田氏

羨殺多君清興催  
眼看遠水坐高臺  
牀頭何況有某  
局莫訝從今不速來

八月十五夜陪太守翫月

今夜真成八月望  
傾銀注玉愛更長  
陰暗俱好書樓  
月猶擬終身依末光

九日武野雨中

高山聞說似高人  
茲地無山復柰人  
黃菊未開風雨

暗兀然一醉異鄉人

奉酬長嘯先生并叙

長嘯先生見惠倭歌十七首其十首則盡押想  
像哉字於末句託天文地理蟲魚飛禽居室夢  
寐深隱音書之間以勞遐想其七首則詠惜陰  
書蠹遠別慕華墨痕之事以寄高懷况復手自  
行健筆哉以僕觀之自家之家珍享之千金不  
謂溢美悃悃之至重於連城戀戀之厚過於綈  
袍乃今賦野鄙一篇以述惠意之曷乙仰慕之  
難任及僑居之無賴泉石煙霞之希望云爾



復閱春秋東海濱感時觀物憶西秦生涯如此有何  
好慷慨深慚不守貧愁裏還歡年歲速羈中足慰信  
書頻報言待我歸來日俱對柴門月色新

龍集甲子建子月壬子朔甲子偶丁冬至有感  
兼呈長嘯先生

飄飄本合一沙鷗笑被塵羈似宦游甲子猶開新曆  
日綱常只慕舊時流地中雷動誦周易臺上雲遙想  
曾侯歲與斜陽看又晚是非併使此心休

次韻道意懷舊

連歲寓居江水頭斯生更記若浮漚請須點檢人間

世常是經過心上秋一日云為猶怏怏百年懷抱實  
悠悠盛名榮達非吾事安樂只期孫四休

乙丑元旦

行年三十有餘入地角天涯四度春子住雍州父西  
蜀滿腔共識遠相親

次韻道春老人早春

獨醉清時劉伯倫酒中好趣豈求人筆端亦自有新  
意不必須期花木春

和正意老人早春

酷惜歲華古所同春風不是去年風一望南海幾千



里都入詩入方寸中

次韻堀少年新春

才子多年鳴洛陽春秋尚富寄思長文章萬里江河  
水一首新詩是濫觴

武城執謁博陸殿下

自嘆辜負王京春忽作東西南北人昨日落花今日  
綠園林各著一時新

和正意老人中秋月蝕

佳月應比此智良從前只要不相傷初知白璧微瑕  
在矯首真成減夜光

和長嘯先生見贈

時態未忘猶厭貧面朋豈復有情親既為南北東西  
客報道音書要荐臻

十一月八日之夜有感而作蓋示不忘也

十字街頭露出時霜風和月拂顏吹更嘆惻隱隨人  
發衾枕招吾勝舊知

舟中讀陸象山集

少小高明真受天尚餘欬唾託遺編酷憐文字波瀾  
激便是江西子靜船

重過祝渡

疏黃渡一作祝渡



豐州遙望自周防三十餘程水渺茫聞昔送歌行旅  
客地名祝島到今芳

丙寅暮春太守看牡丹城南莊今僕賦詩

南園暮色牡丹新賸馥餘妍醉殺人告謝更休驕富  
貴花中王道任陽春

中秋雨臥病有感

雨昏病臥洛陽城自是無心愛月明  
壽藥年年知幾許為分寸七使長生

夢詩并序

丁卯正月十日之曉夢中得二句云昨夜春風

入庭樹滿聽羣鳥自叮嚀所謂晝之所思夜之  
所夢必然之理也然予廢詩久矣新歲未有一  
篇之出焉胡為其然乎若夫詩社之神來降而  
警予之懶慵乎是亦不可知焉因賡載以為一  
絕句

不知初日射窓櫺夢熟詩成時又醒昨夜春風入庭  
樹滿聽羣鳥自叮嚀

讀李朝文粹有感

文粹復抽文粹中十餘卷子是雕蟲一篇封事少人  
識日月爭光善相公



藤崎宮

應神何歲祀藤崎遺廟城中松栢肥今寫新詩懷舊  
德眺望唯自送殘輝

次韻家童守之始賦詩

平生期汝起家風今讀新詩情更濃德業王成猶不  
遠為看庭草鴈來紅

聞香

家貯嶺松春雨香復焚殘月占餘芳何圖我有涪翁  
癖躁欲險心并一忘

謝狩野山雪丈人惠手畫雪梅風竹扇

雪蓋梅花何敢融也添大竹帶清風早知六月不知

暑幾許淒涼畫扇中

假雪字  
做前修

醫術怡菴勸余講大學散席賦一絕以與之

喜汝欲觀儒者風讀過大學義且通三綱領與八條  
目須在自家方寸中

道家正休文人需余於酒食賜睽之渥出于望  
外且席上見示七言短篇次韻謝之

近午招吾坐晚天新詩寫出古書前箇生歡樂莫過  
此笑語從今得忘年

題銅駝坊客舍



主人未到客先來，獨坐鴨河河上臺。  
積雨蕭條秋潦漲，景情難述愧奇才。

和林秀才中秋吟

浮雲細薄月清圓，光景相同千載前。  
忽得佳人良夜句，從今不用掩窓眠。

十雪詩并序

十雪題詠權輿乎皇元，風雅集國朝。  
浮屠惟肖亦摹貌，而和眩博之志可尚哉。  
夫韓王堂雪創業之賢君，開國之功臣，龍雲偶會，定下江南之策。伊川門雪道統之所由，諸儒之所推而巖巖

之子興，再出趙氏之天下。袁安洛雪，依雪而登官。四世為三公，勝乎孫寶之秋霜遠矣。李愬淮雪，旣謂淮西事業冠吾唐者，男兒之奮發，不在此乎。斷碑之吏部，耿然之段氏，握筆者不能不思焉。王猷溪雪，乘興與盡之言，嬰孩莫不譚焉。李及郊雪，冒雪出郊，衆謂可置酒召客，獨抵林逋清談及暮而歸。清介冠當時，亦一代之偉人也。蘇武羝雪，使于四方，不辱君命。十九年之凍死，千萬世之史論，卓卓焉。昭昭焉。鄭繁驢雪，灞橋驢子之俳諧，歇後豈其所屑焉哉。嘗為廬州



刺史移檄歛黃巢之兵為宰相未三月致仕此  
能察晚唐之不可恢復者而淵明太白寓意詩  
酒之屬也孫康書雪寒士之極致官御史大夫  
勤勞雖足追慕後世進士出身之徒乎歐陽詩  
雪拳文章之巨擘挑詩賦之白戰百世之美譚  
也若以抱題之意養氣之法董正焉詩豈易題  
哉即非其人則必日月隱霧露珠玉墜淤泥乎  
今道家正休氏會諸友令賦之予亦得漱一雪  
然技癢不可歇也故不揣暗昧俛著題體併詠  
十雪

韓王堂雪

微幸何辭無隻輪夜深只自踏瑤塵誰知爐上定謀  
後寒殺江南衣錦人

伊川門雪

異端滿目是荒唐洛學猶懼一泓長若有游揚侍師  
志遺書更復發寒光

袁安洛雪

庭中雖偶積瓊瑤門外從前無馬車得志長留冬日  
愛須存僵臥忍寒初

李愬淮雪



活耳遺集 卷之三  
蔡城一夜寂無聲將帥乘虜勝筭成天佑忠賢人可  
信玉龍鵝鴨援吾兵

王猷溪雪

剡流如鏡月如玉何況六花晴後奇唯有十分思友  
意惹名不覺到今時

李及郊雪

知府行遊避世埃杭州城外白皚皚清譚終日因何  
事應對林逋先說梅

蘇武羝雪

凍窖暴秦俱拘幽上天感悟得歸休牡羊乳似馬生

角鴈足書同烏白頭

鄭祭驢雪

晚唐間出箇豪雄三百年終時事空鞍上詩思人不  
會鬢毛蕭散灞橋風

孫康書雪

鑿壁難期到五更囊螢却恐易天明西山月落悲江  
泌未若三冬暎六英

歐陽詩雪

體到穎州超古今筆矛句律更蕭森聚星一會儼然  
在白戰獨傳蘇翰林



雪裏海棠

雪裏海棠從古誇詩人好異亂如麻憑誰說與王摩詰空畫芭蕉忘此花

活所遺藁卷第三

*[Faint bleed-through text from the reverse side of the page]*

活所遺藁卷第四

詩七言

上長嘯公詩并序

狗日致早春之賀不以貴恙過未審漸就安耶奉詩訊之若有春初之詠則示賜之欣莫甚焉予上日吟書以呈敬樹病中抑亦增頭風否不受當時半點塵老耽佳句幾驚人前身高適見今日一臥東山三十春

知道春先生早春

誰解黃金原不祥寸心長醉萬年觴從來自愧疎時



務一箇書生白面牆

長嘯先生見惠黃鳥歌其意因疾而不求友譬

諸黃鳥之不出自幽谷蓋興伐木之詩也黃依

其韻末者二章

山中養病掩柴門謝絕交遊度旦昏若有相思難自

息莫辭書問更頻煩

黃鳥嚶嚶驚夢魂起求紙筆却忘言病來數月食應

少只懼苦吟文事煩

辛未四月寓武江日前田某請予贊西湖圖輒

賦此一篇以述其事且塞其索矣

畫圖數幅是西湖便按舊詩分復數猶有江山餘一

景試拈秃筆續聯珠

辛未六月長井氏需余於城西雀森蓋勸學院

舊址云

四顧風光愜野情田萊千頃只蛙聲池蓮想見濼溪

月院小何慙勸學名

黃綰和鷹司閣下賜鞠花詩時予患眼

黃綰好辭黃鞠枝驀頭相映吐新奇昏花不覺一時

散為是獲看天上詩

壬申元日書懷



喜氣祥氛滿洛城朝來松竹寂無聲清時寧慕屈原  
榻到底唯懷考叔羹更懼踈慵馳日月不須妄意卜  
陰晴人間亦有難量事欲問檐前百轉鸞

題神農畫像

太古混茫如杳冥聖神今幸仰儀刑數千里外數千  
歲猶有人譚本草經

題韓文公北樓詩圖

晚色映山北樓秋長風送月碧溪流從教絕景來天  
地正是韓公坐北樓

與道家丈人經伏見故城觀宇治山川題詩記

其遊

漫遊處處復誰停初信斯身如水萍一步移來峯勢  
異雙眸睜了日光暝暫臨川上感情永忽忘塵綠宿  
酒醒好景有餘詩不足空拈秃筆愧山靈

壽菴丈人招余以淋汗之遊誠近時之快意也  
賦詩謝之

月榭風亭十分涼不知夏日有流漿人間是亦一奇  
遇淋汗堂中洗俗腸

南內看菊應鷹司閣下命

風入金門特地薰樓臺氣象自欣欣偶看南內千叢



菊應是蓬萊五色雲

羅豫章先生

臺髮早知千里差求師取友辨蓬麻自從一望龜山  
月塊看舊時吳國華

謝疊山先生

安仁一敗氣何消趙氏山河久寂寥賣卜市中人不  
識從前孤鶴在雲霄

杏菴法眼在武江三年聞訃而歸爲一絕乃次  
韻弔慰之

三歲瞻望思故岑一朝悔殺報鄉音奔喪不負真儒

行教子何慙慈母心

伏見見肥州太守廢宅有感

十一年前初往來如今記憶夢猶回儒門千歲守安  
宅豈復應隨趙孟開

歸故國

驅馳不覺使人老今見家山十七年童穉真成不相  
識庭柯依舊更參天

中秋鴨河觀月

中秋相約到西岡却怕風雲勞遠望廣澤何如鴨河  
月清流激湍蘼寒光



故鄉擣衣

謝世歸來護一窓  
渺茫往事對殘缸  
碓聲處處長安月  
半是裁縫寄武江

除夜書懷

情鍾意感特題詩  
坐久燈花落盡時  
願送舊年并舊恨  
正隨新歲發新知

甲戌元日試筆

秉筆著書勞此生  
貪名接世不任情  
百年萬事無期望  
四十今朝何更驚

和子柔詩并序

今世往往有資質頑鈍而不受法於師不效於  
於古不著工夫安排而妄作詩者故不可上人  
眼矣雖多也何為剡藤真可弔哉予每痛焉與  
二三親友論之謂知詩而後宜賦詩舊友子柔  
文寄詩自濃冽矣豈復有所痛而論乎即日和  
答之而累時疾廢筆硯者數月矣古本之強荆  
棘之生不言而可察况原駑下之材天賦之所  
致乎雖然子柔之所能知則非復可羞矣且不  
答焉非禮也信口言懷者如是

杜詩韓筆送殘年肯效樊川與玉川不用爛然盈紙



上只慙全在口皮邊

甲戌五月諸友欲有日吉之遊其行路經滋賀

山寔天下之絕景也不可無詩

志賀山行清復脩烟霞遠近入吟眸峯橫石劔水如

矢割盡人間多少愁

千仞岡頭携酒甕友朋譚笑盡歡悰左瞰琵琶湖右京

洛吾邦壯觀屬茲峯

五月十七日遊岩藏

洛北羣山通一蹊岩藏幽致信堪題尚餘石坐明神

跡只負空名朗詠溪佐理書扁今曷在臥雲夢語遠

應稽歸來背却好風物復墮人間醉如泥

避暑東山禪院

五斗爛腸隨世間一時避暑入玄關清譚漸盡復還

愧忙了高僧半日閑

自和

舜蹠真成善利間時時曾念出塵關仙家千歲豈堪

羨永日猶勝一局閑

講孟子了示座上諸友

無言不必稱唐虞讀了先思大丈夫老佛尚排楊墨

後座中盡是聖人徒



甲戌七月伏見初謁紀郎詠懷

灑洛未興鄒魯衰功名驚世信多岐因思此日知何  
日一見曾成千歲期

伏見道中

塵寰出盡又塵寰多少年光附往還世事紛紛曷為  
者回頭更解仰高山

藤森明神

暫遊藤社挽清涼千樹老松圍廟堂一點精靈猶未  
滅歲時正祭舍人王

從渡邊一學殿之請即席作

伏見故宮稱御香相逢日夜意尤長暑塵滿地避何  
處要借南來一滴涼

贊天師岐伯畫像

醫家素問極稱譽人道猶非岐伯書剛讀遺編觀實  
理天師名位復何虛

送金子某之肥後

君趨西海我南州一別相思三處秋離合真成難計  
會立談座上歲華流

八月十六夜賀茂鏡池觀月

老樹回巖如畫圖幽深何況近皇都今添詩客鏡池



上新月出峯影不孤

醫者三竹席上賦庭際菊潭

庭際今添一段奇碧潭黃菊自相宜餘芳尚制頽齡  
去籬落清漣屬上池

秋月

團團一鏡九天飛草露山川各假威觀物感時慙愧  
夥宵中樓臺欠明輝

留別長嘯先生

四十真知暮景斜明朝何故隔天涯願君贈我一行  
字說向南人要自誇

月前擣衣

萬里關河月一輪擣衣空自易霑巾妾心不與千聲  
盡更羨清光從遠人

紅葉添雨

萬物縱觀凝寸眸一時佳興散千憂天機夜濺銀河  
水織出朝來錦樹秋

節前菊

冒雨黃花本自我幾回相憶賦歸來賞心不待重陽  
日先愛秋香勸一盃

九月八日陪前法親王於紀別城樓



風邊重陽和且柔青雲高客上城樓南州海嶽隨看  
在自是應名多景樓

代前法親王奉和鷹司閣下送行詩  
流水青山處處新我今幸作海州賓蕭然行李君須  
羨元是東西南北人

九日城中觀泉石奉和前法親王詩  
城裏秋花特地薰滿庭樹石自生雲綠潭蒼嶺起心  
匠一一風光似勸君

十三夜應命  
萬籟不搖雲拂蹤月華洗出玉芙蓉城樓清影非人

世憶看昔年天柱峯

藤城

駐馬藤城望大洋渺茫烟水洗愁腸金岡擲筆雙松  
下應似青蓮登岳陽

叢城結松

別離雖惜事皆空縮柳結松情自同馬上哦詩猶弔  
古寥寥一樹立秋風

近露驛雨晴

本宮猶在數峯東夜雨滂沱愁不窮今日新晴可神  
助衙山默禱應韓公



寅奉和熊野詩

青山黃葉帶斜陽風景入詩熊野堂小子何強勞筆  
墨三才本自備文章

徐福宮

熊野先尋徐福宮路人遙指一杉叢逸書血食今安  
在遺跡空存飛鳥中

那智瀑布

響似驚雷白似羅傍人相視意如何偏懼海底一鱗  
介登得龍門千尺波

乙亥歲旦

隨世復逢東武春往還難避馬蹄塵誰家牆底無梅  
柳能認色香知幾人

初春雨應命

汀草岸花芽未萌蕭蕭春色易傷情隨風潤物總閑  
事一雨聲中期發生

又

新年膏雨坐江城物理細推銷不平滋潤還同堯舜  
化開花生葉本無情

望海亭即事

蒼海洲頭白板扉朗吟不覺及斜暉向來襍積無窮



事只見風帆沙鳥飛

孫氏放白鷗圖

利鎖名繯絆此身古今何必一孫公滿腔歸思難遮  
住全附白鷗千里風

伯牙彈琴圖

江山意味屬高才宵次元無半點埃何料一時彈琴  
屢更傳千歲入圖來

奉和端午

不成一事又佳期尚慕兒童遊戲旗欲問樊川有何  
味無能只愧遇清時

乙亥之西歸也適得與一貴介琵琶湖看月時八

月十五夜也不可不賦一詩

斯遊不料得清新二美四難何足論積雨快晴明月  
夜碧湖舟裏遇佳人

除夜言懷

平安卜屋在辛亥火國新居癸亥冬乙亥更遷南紀  
宅人生離合豈飄蓬

丙子元日

春日新年同日來非常佳節興悠哉譬如連理與比  
翼不是天公厭兩回



正月十八日陪國君舟中

波底錦鱗沙上禽風光得意吐清音渺茫煙水與天和即是主君安樂心

題鬪雞圖

鄉里兒曹百事迷古今典籍不曾習距金羽芥總無賴豈識人中有水雞

與無名氏有同僚之雅丙子之役復同居武江之邱第寅酉聚首譚笑莫逆寔羈中之一快也且又邱第鄰于紅葉山飽看鴉鷺之集遂賦一絕以寄焉

春出長安夏已過新涼歸夢有誰遮腐儒緣底識時事早午晚山看鷺鴉

七夕應命

酷喜乘涼坐素秋仰思銀漢幾年浮平生不忘存吾拙欲使新心謝女牛

歸路

歸路全如解倒懸人生苦樂更應憐梅花蕙苒雖清事何似今吾携裨編自註云求得唐荆川裨編獻而歸

謹依尊詠韻述道中懷

不論吉日與辰良來往忽忽易燠涼二十四回經此



路關東山水是吾鄉

九月十五日五條橋

月落星殘出五條川原秋色特寥寥今朝一步南州  
路因憶成都萬里橋

十九日遊粉川

落木斜陽到粉川悠悠客思接風煙詩人自有江山  
債不識從今償幾篇

曉行覽荷瓦者

荷瓦寒裳能耐貧履霜戴月亦傷神陶公百甃非閑  
事須謝深閨醉臥人

丁丑元日試筆

昨夜今朝一歲過詩人弄筆意如何餘寒殘雪柳條  
瘦漏洩春光未幾多

正月陪國君駕船春遊

遊賞不辭垂夕輝童冠醉舞著春衣回看南海足歡  
樂萬里風帆自在飛

賜和曰新春初日舉明輝遠近紅霞似彩衣老少俱  
遊畫船上海風任意白雲飛

正月丁未偶丁人日諸士賀禮已畢府君以初  
未日攀例命弱冠學擊劍且又令僕等獻詩



早春物候愜吾情樹色草光含雨清萬事人間難豫  
識將逢方朔問陰晴

年後立春

落後立春還可憐梅能為媚柳能妍  
閨餘尚復在三月更覺悠悠如少年

社頭看雪

白白乾坤何奈看月光照海沒微瀾  
至誠忽起玉樓粟不是千山雪後寒

趙汝愚詩江月不隨流水去天風常送海濤來

朱文公愛之遂書天風海濤字於石吾友中島

氏亦愛之令諸友賦其意予亦與焉

趙句朱書兩俊豪一吟心曲拂蓬蒿  
有人復養浩然氣應似天風吹海濤

丁丑三月遊東山

永日觀花永觀堂鳥聲樹色帶春光  
友人莫訝歸來晚剛坐東山小洛湯

遊嵯峨山懷兼明親王

皇子藏身西嶺雲菟裘為賦憾時君  
君臣千載崑岡火一燧星飛玉石焚

閏三月廿九日府君自白子到吉田舟中作



四顧風光亦快哉樓船今向大洋開青天白日曠帆  
腹百里三川日擊來

皇于四月七日管根憫駕輿丁  
路入筓根奴隸勞太行劔閣讓其高仙方尚得在今  
世願使此身輕似毛

何為頻頻來武江吾儕素不羨羊腔此居自笑似彭  
澤一歲光陰一北窓

涼風嫋嫋動蚊幃生計南枝意不休歲歲應遭牛女

笑家山萬里歷三秋

中秋無月

今古同期此夜晴在雲淫雨本無情清風全在一天  
外高揭明光待曉更

和人 原韻有鼠輩字

半醒半夢過餘年誰識行藏自有天滿座丈夫非鼠  
輩雞聲中夜莫浪眠

重陽應命 託諷諭之意

復逢佳節歎塵勞自是人間少俊豪菊酒茶囊悉兒  
戲願教氣象更登高



落葉滿池應命

昨夜江風繞屋鳴滿地落葉感情生碧琉璃上鋪紅  
錦復憶從今減月明

海鶴軒

飛止隨心海鶴軒平生幸讀聖賢論四十三歲已頭  
白斷送殘生咬菜根

近州蟹坂初望洛山

九閱月來思故鄉今朝蟹坂得初望忽生喜氣西歸  
客一抹青山是洛陽

活所遺藁卷第四



